

## Scalepranu. Is voluntàrios libertant su sartu de s'àliga abbandonada e de refudos fuliados fatu de rios e caminos



De bonu mangianu si sunt atobiados in "S'Ortu de su maistu" fatu de su caminu provintziale chi unit Scalepranu cun Foghesu, belle in sa làcana intre is duos comunos, su primu de su Sarcidanu, su segundu de Ogiastra. Ant parchegiadu is màchinas e sunt arribados in su tàinu de

su riu Flumineddu. Ant cuberadu prus de chentu pneumàticos betzos de vària mannària abbandonados in su tempus dae persones sena coidadu a presu de unas cantas piscinas naturales. Poi ddos ant acatastados a costadu de su caminu brontos pro nde ddos fàghere leare dae su servìtziu de regorta de s'àliga comente refudos ispetziales.

«Amus fatu unu bellu traballu, ant naradu duos de is organizadores Domenico Usai, tassista, e Franco Podda, impiantista eletrònicu. Semus satisfatos de su chi amus fatu. Immoe nos auguramus chi si providat a ddos retirare e a nche ddos leare a su muntonàrgiu autorizadu. Amus informadu su cumandante de s'istatzione forestale e de vigilàntzia ambientale de Scalepranu, sa politzia locale de s'unione de is comunos de su Gerrei e is comunos de Scalepranu e de Foghesu».

Boddidu dae La Nuova Sardegna:

<https://www.lanuovasardegna.it/cagliari/cronaca/>